



UNIVERSITÄTS-
BIBLIOTHEK
PADERBORN

Universitätsbibliothek Paderborn

**R. P. D. Ioannis Ivsti Lanspergii, Natione Bavari, Illvminati
Ac Religiosissimi viri, Carthusiae Coloniensis ante annos
centum Vicarii, & Magistri Nouitiorum laudatissimi Opera**

In Qvinque Tomos Distributa, à mendis expurgata, veteri integritati
restituta, & indicibus locupletata

De Tempore

Landsberg, Johannes Justus

Coloniae Agrippinae, 1631

ad mote[m] damnatus est. Articul. XLV.

[urn:nbn:de:hbz:466:1-47044](https://nbn-resolving.org/urn:nbn:de:hbz:466:1-47044)

VI
71

sperabat enim facile liberationem nostram impedire per mulierem, per quam damnationem ante intulerat. Ecce quicquid diabolus per se non potest, per mulieres exequitur. Fugiamus mulieres: fugiamus monstrum diaboli. Sint mulieres honeste quarumcumque sint, vel religiose, nihilominus fugienda: quia per illas quandoque plus tentat diabolus, dum earum familiaritas incautus admittitur, quasi sanctarum, de quibus nulla mali oriatur tentatio. Nam inhonestas cito contemnimus & fugimus: honestas vero quasi sub specie spiritualis amoris, vel quasi sorores amare volumus: O, o, caro est tibi, spiritu quidam incipiunt, dicit Apostolus, & carne consummant. Et si quandoque corporis non amittant castitatem, tamen cor vulneratum est, adeo quod ad breue tempus non possunt ab invicem abesse. Hoc non est signum spiritualis sed carnalis amoris, quia diuinus amor non carnis presentiam acquirit in dilecto, nisi in quantum ad informationem alicuius necessitas urgeret. Sed rogamus ad Christum. Ipse stabat ante praesidem tacens sicut agnus, qui coram tondeute se obmutescit, nec aperit os suum. Dixit ergo ad Iudaeos Pilatus de Iesu sic humiliter stante: *Ecce rex vester quem adeo timetis.* Confusio est vobis talem sic flagellatum & male tractatum, timere. Illi autem clamabant, *Tolle, tolle, scilicet eum a conspectu nostro, quia grauis nobis est ad videndum.* *Crucifige eum, dicit eis Pilatus: Regem vestrum crucifigam?* hoc est vobis ignominia: *Respondunt pontifices: Non habemus regem nisi Caesarem.* Hic renunciauerunt Iudaei, & abdicauerunt a se omnem libertatem, & perpetua seruituti se Imperatoris subiecerunt. Documentum habemus eiusmodi ex hoc articulo, sicut Christus propter peccata nostra iudicari, & ante tribunal fieri voluit, sic magis nos ipsos debemus iudicare, & tribunal in mente nostra statuere, facta, cogitationes, verba & affectus nostros ibi discutere, examinare punire & cauere, vnde Apostolus. Si nos ipsos iudicemus non vique iudicaremur.

Gene 3. Per mulieres quoniam diabolus efficit.

Nota declinulas diaboli per etiam honestas mulieres. Galat. 3.

Esai. 55.

Sapient. 2.

Tribunal contra nos ipsos statuere, iudiciumque ferre vnde debemus.

Hora sexta hic incipit, habens Articulos quatuordecim.

IESVS AD MORTEM DAMNATUS

est. Articulus XLV.

Videns autem Pilatus quia pro Christo liberando nihil proficeret, sed magnum turbari fieret, & rebellionis crimen contra Caesarem sibi impingeret. *Accepta aqua, lauit manus suas coram omni populo, quasi in signum innocentiae.* Non fuit innocens, quia iustum damnare non debuit. Potius enim omnem honorem amittere & exilium, aut mortem sustinere debuit, quam contra conscientiam, iustum & innocentem morte damnare. Lauando ergo manus dixit Pilatus. *Innocens ego sum a sanguine iusti huius.* Vos videtis. Et respondens vniuersus populus dixit: *Sanguis eius super nos & super filios nostros.* scilicet vindicetur. Tunc Pilatus ferens sententiam volens populo satisfactum, addidit aut fieri petitionem eorum. *Dimisit autem illi Barrabam, quem petebant, quem autem flagellatum et aditum voluerunt eorum, ut crucifigeretur.* O tristes sententia quae Dominus humiliter accepit sine vlla contradictione, demisso capite ac si omnium reus esset malorum. O quantus luctus piissimae matris eius & amicorum.

Marc. 15. Marc. 15.

PP. 4. Genium.

*Statu scilicet
quomodo
publ. cara
fuerit.*

*Ambitio in
quanta mala
a nunc pre-
ogit.*

*Pro iustitia
quod liben-
ti animo se-
renda.*

Galata.

*Ioan. 7.
Matth. 27.
Marc. 3.*

*Infamia
Christi per
totam civi-
tatem.*

*Matth. 7.
Marc. 15.*

sententia super iniqua sententia, super morte innocētis Domini charissimi magistri, quia (vt creditur) signum dabatur quod sententia damnatus foret, & statim educendus ad mortem. Et hoc forte per p̄conem vel tubam, vel cornu, vel buccinam fiebat sicut modò pulsatur campana. Magna autem e contrario erat lætitia Iudæorum, quod desiderium suum obtinissent, & de Christo se (qui omnia bona illis & beneficia contulerat) vindicare poterant. Monemur hic cogitare & pensare in quanta mala homines ambitio precipitat & excæcat. Ecce quanta peccata homines faciunt, vt honores ac officia acquirant, vel ne amittant. Iste Pilatus multum laboravit pro liberatione Domini quem cognouit iustum esse. Verùm quando minabatur ei de absolutioe sua propter offensam Cæsaris, contra conscientiam concessit iniquitati damnando iustum. Docemur etiam hic, non multum curare pro Deo vel iustitia sustinendo iniqua hominum iudicia, vel quod malè de nobis sentiant quando Christus talia sustinuit. Debemus tamen facere, quantum in nobis est, & non dare occasionem hominibus malè de nobis iudicandi, & in nos peccandi ne etiam per hoc peccatis eorum dedisse occasionem inueniamur. Sed cum facimus quod debemus, & etiam informem de innocentia vel bona intentione nostra alij adhuc scandalizetur, murmurent, iudicant & contemnunt, peccatum eorum super illos venit, & nos de patientia coronabimur, quia non tenemur omnibus placere, nec debemus appetere, nisi quantum pro pace & charitate exigitur. Vnde Apostolus: *si hominibus placerem, id est, placere quærerem, Christi seruus non essem.*

IESUS SUI REINDUTUS VESTIBUS CRUCEM BAIULAVIT, Articulus XLVI.

Condemnatum Dominum ad mortem, milites susceperunt & clamide & purpura exuerunt, & induerunt eum suis vestimentis. Ita Domini facies a laphis caesa: consputa, sanguine eruentata fuit, vt propria specie destituta, faciliter agnosci non posset. Idcirco vestibus proprijs eum reindui fecerunt Iudæi, vt ab omnibus agnosceretur, ad confundendum eum. Cogitate hic quàm humiliter benignus Dominus coram omnibus se purpura exiit, & nudus ac vulneribus plenus, stans ante oculos derisorum contumeliosorum tortorumq; tunica sua se induit. Interim datum est signum, vt ante dixi, & per totam civitatem mox rumor percurrebat, quod damnatus esset Iesus, & iam iamq; educendus. Colligitur vndique populus, cuius tunc maxima multitudo ad diem festum, non solum Iudæorum sed & Gentilium confluerat expectans, & videre gestiens Dominum. Interim pessima verba sparguntur contra famam boni Iesu, sicut fieri solet contra damnatum, vbi omnes quærent causam dñationis, & Iudæi studiosè quicquid excogitare poterant ad infamandum Dominum, non omittent, & suam inuidiam zelo falso colorandam, non omittent. Quæ omnia Christus quietam occulta cordium intuetur, nouerat. Audientes autem hæc etiam pauci amici, maximè piissima mater eius dolorosissima, secabantur cordibus de tanta iniuria dulcissimi magistri ac Filij Dei. Producit interea mansuetissimus agnus baiulans super dorsum suum, maximam & longissimam crucem vt inquit Evangelistæ: *Et eduxerunt eum & crucifixerunt eum.*